

Brandal Båtlag
Kvitnesvegen 81
6062 Brandal
Heimeside: <http://www.skorgenes.net/~sigurd/baatlag/index.html>

Ordføraren i Hareid
Rådhusplassen 5
60602 Hareid

Vedkomande sabotering av vedtak i PS 49/15 Krav om endring av NFFFA - sjøområde i Brandal – kommuneplanen

Brandal Båtlag syner til brev til Hareid kommune dagsett 29. mars 2016 der vi kravde at vedtaket i PS 49/15 vart sett ut i livet straks fordi fristen første kvartal 2016 er i ferd med å gå ut.

Hareid kommune ved Kai-Rune Bjørke svarer i ein epost: «Svar frå Hareid kommune på brev frå Sigurd Eliassen:» medan brevet faktisk var frå organisasjonen Brandal Båtlag som organiserer stort sett alle som har båt i Brandal.

Både brevet frå Brandal Båtlag og eposten frå Hareid kommune har gått i kopi til ordførar og kommunestyremedlemmer. Det gjer også dette brevet.

Administrasjonen svarer slik:

«1. Administrasjonen har lagt fram sak om rullering av kommuneplanen sin arealDEL i formannskapet den 07.03.2016. Jamfør formannskapet sitt vedtak i PS 25/16 - Rullering av kommuneplanen sin arealDEL - Oppstart og prosess. Vedtaket var samråystes.»

Dette gjeld den generelle rulleringa av kommuneplanen. Men etter vedtaket i PS 49/15 vart det faktisk vedteke at rulleringa av NFFFA-området i Brandal ikkje skulle vente på den generelle rulleringa men takast opp for seg sjølv i løpet av 1. kvartal 2016. Konkretisert tyder dette før 1. april 2016. Vedtaket er sabotert.

Framlegget frå rådmannen om å vente på den generelle rulleringa fall med 16 mot 4 røyster.

Vidare skriv administrasjonen:

«2. Av vedteken aktivitet og framdriftsplan ser ein at det vert lagt opp til handsaming av planprogrammet i formannskapet den 09.05.2016. Vedtaket i PS 49/15 og problemstillinga kring endring av NFFFA-sjøområdet i Brandal vil verte omtala og vurdert der.»

Her syner administrasjonen atter ein gong at dei saboterer vedtaket i PS 49/15. Den 9. mai er i 2. kvartal 2016, og det er den generelle rulleringa som vert omtala. Også under dette punktet syner administrasjonen at dei arbeider i strid med kommunestyrevedtaket.

Neste punkt:

«3. På bakgrunn av prosjektet marine grunnkart, har Formannskapet vedteke å få utarbeid Marin Næringsplan. Denne planen vil gje eit godt grunnlag inn i rulleringa av kommuneplanen sin arealdel, med tanke på å vurdere framtidige lokalitetar for sjøretta næring.»

Ja, det er Brandal Båtlag samde med administrasjonen om. Men det har ingenting med vedtaket i PS 49/15 å gjøre. Kommunestyret sitt vedtak i PS 49/15 går nemleg ut på å endre status på området utanfor Brandal uavhengig av kva vurderingane i den generelle rulleringa fører til.

Rådmannen sitt framlegg i PS 49/15 fall med 16 mot 4 røyster. Likevel held administrasjonen fram med å arbeide som om framlegget vart vedteke. Dette er maktbruk i strid med demokratiske speleregler.

Ansvoaret for at kommunestyrevedtak vert sett ut i livet, kviler på ordførar og deretter dei andre folkevalde i formannskap og kommunestyre. Særleg er dette viktig når administrasjonen saboterer vedtak eller ikkje gjer jobben sin av andre grunnar.

Brandal Båtlag veit at ordføraren tilhøyrer mindretallet i denne saka. Vi har notert oss at han nekta representanten Bernt Brandal eit oppfølgjingsspørsmål om vedtaket frå PS49/15 til det misvisande svaret frå rådmannen i møtet 17. 03.2016. Dette er i strid med reglement for kommunestyret pkt 22. a):

«... Debatt er ikkje tillate, men spørsmålsstillar har høve til å stille eitt tilleggsspørsmål...»

Brandal Båtlag reknar likevel med at han er ordførar også for oss – og ikkje berre for dei som har same mening som han.

Brandal Båtlag ber med dette ordførar Anders Riise om å sette vedtaket i PS 49/15 ut i livet straks.

Brandal, 30. mars 2016

For Brandal Båtlag

Sigurd Eliassen
Sigurd Eliassen

- sekretær -

Kopi på epost til

- medlemmene i formannskapet
- medlemmene i kommunestyret
- avdelingsleiar Kai-Rune Bjørke
- rådmann Bent Arild Grytten
- Vikebladet/Vestposten